



**SREDNJOBOSANSKI KANTON
MINISTARSTVO PRIVREDE
TRAVNIK**

JAVNI POZIV

**za podnošenje ponuda za dodjelu koncesije za eksploataciju arhitektonsko-
građevinskog kamena gabra na lokalitetu «Staište»-površine 8,39 ha - općina Novi
Travnik**

1. Predmet koncesije

Predmet koncesije:

Eksploatacija arhitektonsko-građevinskog kamena gabra na lokalitetu «Staište»-površine 8,39 ha-općina Novi Travnik- **šifra S 1/19**

2. Vrijeme dodjele koncesije

Koncesija za eksploataciju se dodjeljuje na vrijeme od **30 (trideset) godina**, od dana potpisivanja ugovora o koncesiji.

3. Lokalitet istraživanja

Širi lokalitet je: **«Staište»** - općina Novi Travnik

Lokacija je definirana na situacijskoj karti terena, koja će ponuđačima biti data na uvid.

4. Pravo učešća

Pravo na učešće na javnom pozivu imaju pravne osobe osnovane u skladu s posebnim zakonima Federacije BiH i registrovane za obavljanje djelatnosti koja je predmet javnog poziva, te imaju odgovarajuća stručna lica i opremu.

5. Obaveze koncesionara i rok za rješavanje imovinsko pravnih odnosa

Koncesionar se obavezuje slijedeće:

- obavljati eksploataciju u skladu sa odredbama važećih propisa o eksploataciji mineralnih sirovina,
- riješiti imovinsko pravne odnose prije ulaska u posjed,
- izmiriti troškove istraživanja investitoru, prema projektu istraživanja, u iznosu od **602.820,00 KM**, prema specifikaciji istražnih radova koje je proveo investitor.

6. Ponuda iznosa i načina plaćanja naknade za koncesiju

- Godišnja naknada za koncesiju eksploatacionog prostora je najmanje **100 (stotinu) KM** po hektaru
- postotak prosječne cijene po m³ čvrste mase kamena gabra (**najmanje 3%**)

7. Obavezni uslovi i standardi za vršenje djelatnosti.

Po dobijanju koncesije koncesionar je dužan zatražiti odobrenje za eksploataciju kojim će biti definisani uslovi eksploatacije. Koncesionar se obavezuje da će se pridržavati svih

zakonskih propisa i standarda koji regulišu pitanja eksploatacije mineralnih sirovina, zaštite okoline, vodoprivrede, šumarstva i zaštite na radu.

8. Uslovi raskida ugovora o koncesiji

Raskid ugovora o koncesiji regulisan je članom 21. i 22. Zakona o koncesijama (Službene novine Srednjobosanskog kantona, broj: 8/09, 6/13 i 9/15) kao i drugim pozitivnim zakonskim propisima koji uređuju oblasti istraživanja i eksploatacije mineralnih sirovina, gdje su propisani uslovi ukidanja odobrenja za eksploataciju mineralnih sirovina.

9. Informacija o pravu nadzora nadležnih organa o izvršenju koncesije

Nadzor u izvršavanju ugovora o koncesiji kao i odredbi Zakona o koncesijama, vrše nadležna ministarstva davaoca koncesije u okviru svojih nadležnosti, shodno članu 23. Zakona o koncesijama SBK (Sl. novine SBK, br. 8/09, 6/13 i 9/15).

10. Sadržaj ponude

Ponuda treba da sadrži «Tehnički dio ponude» i «Finansijski dio ponude».

«**Tehnički dio ponude**» treba da sadrži:

- naziv i tačnu adresu ponuđača (mjesto, ulicu, broj, telefon, kontakt osobu i druge podatke koji mogu poslužiti za efikasniju komunikaciju)
- ovjerenu kopiju Rješenja o upisu u sudski registar sa ovjerenim priložima ili drugog akta kojim se dokazuje da ponuđač ima pravo obavljati djelatnost istraživanja i eksploatacije mineralnih sirovina
- ovjerenu kopiju Uvjerenja o poreznoj registraciji / Uvjerenja o registraciji obaveznika poreza na dodanu vrijednost
- potvrdu nadležnog organa o redovnom plaćanju poreza
- potvrdu nadležnih organa o redovnom plaćanju doprinosa za PIO/MIO i zdravstveno osiguranje
- izjavu ponuđača da nije bio neuspješan u izvršavanju ugovora o koncesiji u protekle tri godine do momenta objavljivanja ovog Javnog poziva odnosno za korisnike koncesija potvrdu kantonalnog Ministarstva finansija o redovnom plaćanju naknade za koncesiju
- uvjerenje nadležnog suda da odgovorno lice nije u posljednjih 5 godina osuđivana zbog kršenja propisa kojima se sankcionišu krivična djela protiv privrede, poslovanja i sigurnosti platnog prometa,
- uvjerenje nadležnog suda da ponuđač nije pod stečajem ili likvidacijom,
- listu referenci ponuđača (lista glavnih usluga pruženih u posljednje 3 godine sa ukupnom vrijednosnim iznosima, datumima i primateljima),
- kvalifikacionu strukturu zaposlenih kadrova i njihove reference
- popis raspoložive opreme ponuđača

«**Finansijski dio ponude**» treba da sadrži:

- studiju o ekonomskoj opravdanosti u sklopu koje će biti sadržane procjene zaštite okoliša,
- ponudu visine i načina plaćanja naknade za eksploataciju mineralnih sirovina,
- dokaz o osiguranim finansijskim sredstvima koji se vrednuje na osnovu sljedećih finansijskih pokazatelja :

a) koeficijent tekuće likvidnosti (kratkotrajna imovina/kratkoročne obaveze)

Maksimalan broj bodova **[3]** po koeficijentu tekuće likvidnosti će se dodijeliti ponuđaču koji ima najviši koeficijent, dok će drugi ponuđači na osnovu toga dobiti manji broj bodova

prema slijedećoj formuli: $L = L_p / L_n * [3]$. Pri čemu je: **L** – broj bodova koji je dodijeljen ponuđaču za koeficijent tekuće likvidnosti, **L_p** – koeficijent ponuđača u ponudi koja se ocjenjuje, **L_n** – najviši koeficijent iz pristiglih ponuda [3], **[3]** – maksimalan broj bodova koji je dodijeljen ponuđaču sa najvišim koeficijentom.

b) Koeficijent zaduženosti (ukupne obaveze/ukupna imovina)

Bodovi se računaju po formuli $Z = Z_n / Z_p * [4]$. Pri čemu je: **Z** – broj bodova koji je dodijeljen ponuđaču za koeficijent zaduženosti, **Z_p** – koeficijent zaduženosti ponuđača u ponudi koja se ocjenjuje, **Z_n** – najniži koeficijent iz pristiglih ponuda [4], **[4]** – maksimalan broj bodova koji je dodijeljen ponuđaču sa najnižim koeficijentom.

c) koeficijent finansiranja (ukupne obaveze/ukupna glavnica)

Bodovi se računaju po formuli $Z_f = Z_n / Z_p * [4]$. Pri čemu je: **Z_f** – broj bodova koji je dodijeljen ponuđaču za koeficijent finansiranja, **Z_p** – koeficijent finansiranja ponuđača u ponudi koja se ocjenjuje, **Z_n** – najniži koeficijent iz pristiglih ponuda [4], **[4]** – maksimalan broj bodova koji je dodijeljen ponuđaču sa najnižim koeficijentom.

d) Koeficijent obrta ukupne imovine (ukupni prihodi/ukupna imovina)

Računa se prema formuli kao i koeficijent tekuće likvidnosti, uz prilagodbu za ukupan broj bodova po ovom kriteriju koji iznosi **[3]**.

11.Kriterij za izbor najpovoljnije ponude:

11.1.Visina naknade za koncesiju:

- Godišnja naknada za koncesiju eksploatacionog prostora je najmanje 100 (stotinu) KM po hektaru,
- Postotak prosječne cijene po m³ čvrste mase kamena gabra (najmanje 3%)

Ovaj kriterij nosi **50** bodova.

Maksimalan broj bodova [50] po ovom kriteriju će se dodijeliti ponuđaču koji ima najvišu cijenu i postotak prosječne cijene, dok će drugi ponuđači na osnovu toga dobiti manji broj bodova prema slijedećoj formuli: $K = K_p / K_n * [50]$. Pri čemu je: **K** – broj bodova koji je dodijeljen ponuđaču po ovom kriteriju, **K_p** – cijena/postotak iz ponude, **K_n** – najviša cijena/postotak iz ponude [50], **[50]** – maksimalan broj bodova koji je dodijeljen ponuđaču sa najvišim cijenom/postotkom iz ponude.

11.2.Pokazatelji finansijskog stanja ponuđača.

Za realizaciju ovog projekta ponuđač je dužan dokazati da ima osigurana finansijska sredstva.

- a) Koeficijent tekuće likvidnosti. Ovaj kriterij nosi ukupno **3** bodova
- b) Koeficijent zaduženosti. Ovaj kriterij nosi ukupno **4** bodova.
- c) Koeficijent finansiranja. Ovaj kriterij nosi ukupno **4** boda.
- d) Koeficijent obrta ukupne imovine. Ovaj kriterij nosi ukupno **3** boda.

11.3.Iznos i vrsta investicije u programu

Ovaj kriterij nosi **15** boda.

11.4.Broj radnika koje će zaposliti

Ovaj kriterij nosi **10** bodova.

11.5.Reference stečene u obavljanju radova koji su predmet koncesije

Ovaj kriterij podrazumijeva da ponuđač ima određene reference i iskustva u obavljanju ove djelatnosti i planirani kapacitet proizvodnje na koji će plaćati naknadu.

Ovaj kriterij nosi **6** bodova.

11.6.Ekološka osjetljivost projekta

Ovaj kriterij nosi **5** bodova.

12.Uslovi povratka korištenog dobra

Poslije završenog istraživanja koncesionar je dužan u potpunosti završiti tehničku i biološku rekultivaciju, te površine koje su državne, vratiti općini, a na otkupljenim površinama zadržati pravo korištenja.

13.Podnošenje ponuda

Naknada za sudjelovanje u javnom pozivu je **3.000,00 KM** bez prava povrata. Naknada se uplaćuje na račun proračuna SBK broj: **132-010-20125367-50 kod NLB D.D. Tuzla**, vrsta prihoda **721119, budžetske organizacije 1501001**.

Pismena ponuda se podnosi, na jednom od službenih jezika u BiH, u zapečaćenoj koverti na kojoj je naznačena šifra javnog poziva (**S 1/19**) i naznakom **«PONUDA – NE OTVARAJ»** na adresu: **Ministarstvo privrede, Ul. Stanična 43. 72270 Travnik**. U zatvorenoj koverti sa ponudom dostavljaju se dvije zatvorene koverta sa naznakom «Tehnički dio ponude» i «Finansijski dio ponude».

Ponuda se podnosi Ministarstvu neposredno ili preporučenom poštom.

Rok za podnošenje ponuda je **30 (trideset) dana** od dana objavljivanja javnog poziva.

Prijave podnesene preporučenom poštom smatrat će se valjanim ukoliko je datum otpreme pošte u okviru roka iz prethodnog stava.

Bilo koja ponuda koju naručilatelj primi nakon propisanog roka biće vraćena ponuđaču neotvorena.

Nepotpune ponude neće se razmatrati.

14.Postupak izbora najpovoljnije ponude

Postupak izbora najpovoljnije ponude vršit će komisija u skladu sa Pravilnikom o načinu procjene najpovoljnije ponude za dodjelu koncesije iz nadležnosti Ministarstva privrede te o dokumentaciji potrebnoj za postupak procjene (Sl. novine SBK, br: 12/09).

O datumu, mjestu i vremenu otvaranja ponuda ponuđači će biti pismeno obaviješteni na adresu sa ponude ili na broj telefona sa ponude.

Otvaranju ponuda mogu prisustvovati ovlaštena lica ispred učesnika u Javnom pozivu ili njihovi zastupnici uz predočenje pisanog ovlaštenja.

Sve dodatne informacije i uvid u dokumentaciju zainteresovani mogu dobiti u Ministarstvu privrede Travnik, Ulica Prnjavor br.16.,tel:++387/30-511-217; fax:++387/30-511-729, e-mail: min.priv@bih.net.ba.

Broj: 04-18-359/19

Travnik, 27.02.2019.g.

MINISTAR

Nisvet Hrnjić